



林泉高士孫西川詩稿序



詩三百篇皆出夫子手刪邦國里
巷莫不用之所召陶冶性情化鄙
為學者也而可易言哉故自楚騷
而下漢魏尚矣晉唐宋元名家繼
作雖時有古今而各極其一代之

盛誠不害言擬議矣

國家隆興光嶽氣完剛有林鴻子
羽以鳴盛美首倡而吾蘓有高太
史氏又有海虞張甘白氏皆自成
家數與相頡頏厥後分為育菴思
玄二家皆其派也於是西川孫君

出而紹之觸情撫事感輒有在久
之卷帙充盈既成集矣既葬嗣子
耒奉遺稿詣余請曰先人嘗交石
田翁詩筒注來無虛月自謂於李
杜有悟入處今茲所貽者是已能
無賞鑒而亨之乎余披覽終日見

其筆端豐衍有倚馬之長因自念
束髮學詩所師者舊無啻十數今
年幾八十尚未有片言愜意河斯
卷中珠玉岩旻之富也豈不出余
上萬萬哉蓋凡為詩天姿學力必
須兼具西川固不乏此無亦繼述

有人而表彰之篤耶且近日詩人
務希高闊而反落空疎者比比固
不如辭達近情之為得觀於斯稿
顧不重出其右哉西川父考功嘗
呂賢科官炅曹副郎伯子亦第進
士官工部平生讀書博學工於繪

畫好客樂施至老不倦蓋人物之
豪雄者其詩筆乃其餘事而仲子
知寶遺墨亟梓呂傳尤可嘉也遂
不辭而為之序云

嘉靖十五年冬十月望日東吳支

硯山人楊循吉序

林泉高士孫西川詩稿

夏夜獨坐

披襟獨坐看星移何處人家短笛吹如此月明
難欠酒許多涼思可無詩時新風味宜瓜菓故
舊天涯費夢思忽見流光驚醉眼亂螢點點度
芳池

閒居自遣

大賓長者每相尋詩畫清逋負罪深家口忽添
因得鶴囊貲無長止存琴薦新蔬品能供饌弄
巧禽言頗悅心如此

聖朝貧亦樂豈應酒盡廢高吟

新秋病起

暑氣煩蒸不出齋藥甌香炷久相諧
新涼如見故人面今日方舒病客懷
限定酒盃非活法養成慵懶是生涯
貧居自喜無賓至草滿閒庭意思佳

送李太守還鄉

詔許還家便解簪忻然自賀得佳音
本來祿况先無意歸去田園舊有心
短髮為民添白雪空囊唯帶是黃金
掀髯長嘯三山下從此伊何可

廢吟

歲晏述懷

地爐紙帳席為簾自喜寒家可得兼
深恹扣華無長進却嫌年紀又增添
山宜秋瘦骨格嶮我坐詩窮律法嚴
商度世情渾不慣酒盃斟酌頗能拈

元宵

惟見笙歌沸應忘更漏長
乾坤增夜色燈月闌
春光宴客嘗新酒佳人試晚粧
每遊須秉燭此夕可尋常

致道觀古梅二首

蘇觸苔封老碧岑
乾坤作養已年深
托生丹井神仙骨
寄傲書臺隱士心
恐墜芳容愁玉笛
欲酌清賞合瑤琴
晨光對雨竟忘暮
幽夢還從夜月尋

風雪空山老更經
貞姿玉立看亭亭
一清已是花之聖
特出寧非地有靈
桃李成蹊偏避席
竹松同列自忘形
乾坤草木皆存愛
偏見於君眼獨青

雨中訪梅

天遣東君爲洗塵
更加笠屐景猶新
經年澗別此良友
今雨重來是故人
雪色本佳應着相
月光雖好反迷真
若教風日晴和去
只恐枝頭減却春

尋梅

杖藜忍凍一經行
貧病都忘眼倍明
深雪有誰來物色
古城惟汝近人情
老夫不減當年興
此幹還餘舊日清
偏性自知無傲物
平生心服是香名

山行漫興

除却登臨無別忙多從竹院與芝房林泉厭客
誇軒冕花鳥留人釐酒觴綠髮旋添新白影青
鞋羞踏軟紅香行行少憩喬松下滿地清陰特
施涼

和朱半山題扇韻

先生胸次自魁梧山有先生便不孤悟得此心
渾是易也無圈畫也無圖

客中重九

茱萸欲插倍傷神滿目黃塵白髮新老去情懷
難作客秋來風物易愁人半生豹隱還面變萬

里鷗踪未許馴自喜醉中心更壯猶尋絕巘致
閒身

同石田東湖二老石屋看梅復用前韻

二首

十分忙事探梅行老眼相看分外明東閣有誰
仍索笑西湖無處不開情綺羅作障翻嫌俗雪
月通宵始稱清香擬水仙爲小恙山樊安得敢
齊名

去歲相尋筮屐行此來况復欠晴明北枝終是
南枝早今雨還如舊雨晴小朵沾濡開更好幽

香深潤嗅偏清便教跋涉人誰咲皂蓋銀鞍浪得名

與蔣無碍索小密詩

久知醉裏乾坤大能解貧中風雨悲桐馬渴來思獵酒金龜換却玉鉤詩增人色相真三昧蓋世功名假一炊小密半瓶如肯送任他問我是吾誰

寄王良臣

草暗江東路王孫未憶歸京華淹旅食風露濕征衣但喜文章在寧憂志願違頻年俚澤國惟

悴掩荆扉

甲寅春病中作

舊恨新愁併入眉不勝貧病兩堪悲人情冷暖貧能識藥性温良病始知意興摧頽因斷酒容頽清瘦豈關詩鶯花莫訝吾衰弱拄杖相尋未是遲

題何都堂望泮樓

百尺高樓數仞墻開窓正喜瞰方塘紅浮半壁杏花雨綠映一廉芹草香何處登臨空對月誰人倚只思鄉爭如讀罷憑窓欄祭日送飛鴻盡

暗陔齋自述

華屋徒誇麗蕭齋頗覺清難欺天不暗欲納牖
 須明風雨聊堪蔽壺觴足可傾懸懸琴獨放斗
 大酒高檠小酌能無醉清彈最得聲眼前難着
 物膝外更容鐘几稱烏皮好冠便皂帽輕堵環
 渾學憲壁鑿未輸衡儘避尖酸冷偏宜爛熳情
 照臨蒙日月交接拒公卿但得容光到何資面
 色榮養神歸默默閱世任醒醒院靜鶯頻語庭
 閒鶴自鳴空青簷外透虛白室中生密柳垂青

幙繁花簇綉帟踈慵宜地僻富麗出天成清脆
 蔬抽甲肥鮮筍脫棚凍雷驚土脉夜雨動畦情
 每頓誇兼味何心慕大烹處常從鬼瞰輕出恐
 猿驚世事渾恬淡人情易變更文章經蹭蹬意
 氣益崢嶸當是神仙第端非傀儡棚貧甘隨分
 過老愧逐人行迳造從賓客常來絕送迎黑甜
 應易熟白戰竟難平心脫蠶絲縛身超世網嬰
 愧非隱士宅幸是聖人氓

和陶得常除夕韻

年華鬢雪併添新斗柄今宵已入寅時不待人

痴守歲心難忘老愛逢春從教暮景飛騰去肯
厭芳樽往復頻栢葉椒花明日事遙瞻天表頌
楓宸

壽陶靜夫七十

華誕今朝又一初算週甲子十年餘高懷傳奕
曾爲誌失意虞卿只著書白髮任生公道在紅
塵不踏世情踈梅花自咲因誰索引得春風到
隱居

晚涼與周西涯東觀梧下小飲

病憐仙館靜坐喜暮庭空密葉風翻碧殘霞日

射紅彈琴清興發看劍壯心雄縱飲從昏黑忘
形一醉中

和吳內翰韻

山遶家西水遶東住來衰病漸成翁春傷花逐
回潮去暖愛鷗眠落照中檻酌颺絲欺髮雪船
燈生暈貫晴虹桑榆翳翳窮仍在詩句如何尚
未工

中秋憶王良臣

桂玉老來聊自給停雲端為友生憂
皇都故舊雖青目客路驅馳易白頭何處共看

今夜片異鄉難比故園秋
錯認王粲忘懷土後
後風塵未倚樓

重陽次石田韻寫懷

滿城風雨近重陽
自喜情懷較勝常
采菊未簪先欲舞
舉盃纔飲欲成狂
眼從佳節舒雙睫
口向今朝笑一場
若問因何能此樂
催租無吏惱
詩腸

秋夜泊舟奚浦與王銘庵圍碁

短篷燒燭坐彈棋
睡思全駘酒力微
秋野陣雲隨手布
夜江星斗入船輝
郎君可是能觀局
奴

子何知未解圍沙上
睡鷗驚剝琢過汀
應恠未忘機

秋風

閉戶書生正寂寥
那堪忽地起商飈
滿床霜冷屋茅捲
一夜雨聲林葉飄
澤國鴈情忘採捕
海天鵬思遂扶搖
暴寒欺我貂裘敝
濁酒溶溶尚滿瓢

狄大尹移居

儼然陶令宅
所欠柳垂陰
天擇清而麗
人看愛且款
門空自遠
盤谷未全深
此地一生計
孤

亭萬古心。肺肝無俗氣。城市如山林。人口妻并子。家私釜與琴。貧因官更劇。病喜老無侵。驟覺門庭富。黃花滿眼金。

同王大叅錢水部宿維摩寺

老憑杖履佐清狂。信步行行到上方。萬里晴光開醉眼。半空清氣襲詩腸。大江北望連齊魯。古刹西來自漢唐。拂水欵終明日興。不須歸去宿禪房。

壽邑尹楊侯

小春時節逢華誕。大有年成好慶生。赤子盡蒙

歸壽域 丹書擬見出

神京身膺五福心。無愧治及三年政。有成昨夜天清占列宿。紫薇垣畔小星明。

秋日書興

碧澗丹厓稱白身。黃花翠竹慰清貧。了無迎送山真率。最有溫存酒的親。琴發秋清聲應律。碁乘夜靜筭通神。閒身不受塵緣制。高臥籐床自屈伸。

憶內

晨昏誰與論家長。觸目經心盡可傷。對局幾卷

思畫紙鼓琴無後爲焚香心清亦喜庭花活性
儉常將斗酒藏還記夜分猶紡績與兒陪讀共
燈光

山雨樓

燕雀高飛盡乾坤獨倚時慢絃凝小潤濕慢駐
輕颺山遠全身見天低四面垂忽然增逸興隣
笛晚晴吹

擬桑鶴溪詩

七十年餘日暮身平生惟與鶴相親肺肝清氣
詩緣古富貴浮雲見道真松栢亭亭三逕晚桑

榆翳翳一川新百年正值文章世眼見東南老
此人

謝王玄谷大叅招入社分韻得鴻字

漫將廊廟付羣公坐鎮江湖是此翁過手功名
揮腐鼠出塵踪跡類冥鴻優游觴咏蘭亭日高
古衣冠洛社風病老亦能陪咲語詩禪參妙不
言工

和王大叅小山十二詠

嵩峯危然一簷成喜看塵海出蓬瀛臨厓坐久
渾忘世惟見松風度鶴聲

老惟木石得吾情可與同
居指對清心境寂然
天籟息秋聲春蚓任爭鳴

醉夢場中久已醒倚山新構狎鷗亭
我來亦是忘機客皂帽義然舊管寧

峴首峨嵋舊往來搜竒擇勝袖將回
于今不用星軺轉消得先生掌上杯

勝遊何必正當春杖履時來莫厭頻
固愛王翁飛動意也應山色會招人

錦衣脫却理青氈終日清談不及錢
山雨樓前山色裏已無朝謁晝猶眠

不怕青山笑白頭儘將吾道付滄洲
乾坤納納容吾老一任年光似水流

一帶春沙曲抱村小橋流水正當門
家山入手塵襟脫鬢未星星目未昏

海東碣石受雲遮丁甲鞭驅送到家
自是王喬仙術大四時常見碧桃花

山雨樓前酒對拈山花過雨正濃纖
宦情爭似山情好世味那如酒味甜

占斷烟霞絕市囂詩翁瘦侶沈郎腰
藥畦一片連山脚亂眼青青潤甲條

使君宅第住梅林終有詞和身發心自疑西園
開綠野清風三逐竹陰陰

次吳匏庵韻壽沈石田

乾坤此老獨崎零上應垣西處士星四海清風
應共仰百年文運適初丁斗山名望衣仍白李
杜篇章簡正青一自回仙書壁去東林喬木盡
冥靈

往溫衢謁文沈二太守回答林憲副

珍重吹噓謁故知歸來定得買山費相逢空鼓
齊門瑟見沈衢州未到先薦福碑聞文溫州

計音已分一寒應徹骨那堪百感故攢眉窮途
賴有溪山好畫意書情儘自怡

西湖觀雪和林三山憲副韻

馬蹄番玉長安客得此奇觀正所難遙見茶烟
知穀興忽成詩句逼郊寒清誇獨步雙穿履冷
浸孤舟一釣竿更有遊人載歌舞亦將併作畫
圖看

西塍小隱爲朱彥明題

桑榆翳翳接平疇漸遠東臯路轉幽綠愛新秧
隨雨長黃看香稻帶霜收晚風歸牧初橫笛落

日眠漁正泊舟邊岸芙蓉秋色裏杖藜常得畫
圖遊

西塋雅會和張黃門韻

草堂深隱護烟霞風景依稀似浣花四海縉紳
嘗借榻三吳詩畫更誰家從人逐造因看竹留
客清談祇啜茶直待買書方入市青鞋無夢踏
東華

悟陽子爲秋官傅大益題

省識人生石火敲塵緣世界已全拋雷聲起處
初觀動陰氣分來漸覺消取出坎中原一畫填
還離內舊虛爻脩成至健純軋體始信仙家路
不遙

雨悶中口占二絕

一雨連一月雨深愁亦深飢民今日淚滴着去
羊心

睡覺一庭水不知江雨深平添憂百倍白髮羨
兒心

題楊妃對奕圖

深院紋楸對玉環三郎用意失防閒爭邊不識
潼關險得路方知蜀道難對面雌雄那待決轉

頭成敗却相關偶然一着輸幾處不料胡兒冷
眼看

風雨有感

風雨蕭蕭睡頗宜醒然支枕費尋思事常八九
不如意愁有萬千都在眉暫借朱顏孟見許欲
遮白髮鏡難欺忽然悟得浮生理成敗原來一
局碁

桑滄齋別駕和前韻復以是答之

終身草莽分相宜榮辱無干百不思展爲山歌
頻換齒杖防泥滑偶齊眉談玄不厭逢人問鐻

白須知向自欺平昔對人多坦率用心刻處獨
於棋

吳狀元題西川詩用韻以表賤號

善地原來不在東水鄉宜着主人翁急流穩卧
扁舟上返照常回靜室中月假日光應搦兔陽
攻陰氣自成虹修完破屋渾無漏始信吾家匠
手工

大風

海立沙揚十日風本來不爲度人雄東南海船
知來貢西北胡寇定掃空一面長蛇增大塊四

才斯動望群公於然欲欲冲天去萬里遨遊瞬息中

王大叅舟中小飲定韻

孤身南北與西東湖海交游說此翁世事已分棋局裏情懷都付酒盃中尺書每恠隔年斷短榻應憐今夕同衰柳繫舟潮落後推篷一笑大江空

雲堂雅集次吳匏庵韻

萬疊晴雲護法堂山中歲月信悠長衣冠全盛有今日詩酒清懽無此場丹井泉香因長藥書

堂草暗尚韜光明朝避俗還來此杖履從容趁曉涼

福山寺夜宿定韻

十年湖海上偶此息塵踪屢擊催詩鉢時鳴施食鍾僧情憐病菊鶴夢寄高松茶鼎湯初沸新團試小龍

擬棠棣聯芳面贈周西涯金玉

棣花開韡韡桂子折雙雙鴈字書高峇鶴行過曲江巧期侯疊中力許昇同扛鹿戰文場裏諸生盡納降

祝枝山以染指詩見寄次韻

玉山新染色方殷儼老社妹乍染卅幾度拂絃
花點亂有時彈淚血痕斑紫萋芽嫩秋離水紺
歲拳伸曉出山驚見牡丹紅一捻巧持團扇障
羞顏

用姚甥大元韻

無一才能可異常平章風月敢承當煎茶欲與
僧求法積穀先於鶴辦糧高興有詩垂碧白老
懷無念及黃蒼古今何事非碁局莫論羸輸與
弱強

次韻答嘉定李煥文西塾胡先生三首

一度情懷一度濃行期促我去匆匆未膺天上
常何薦却值途中阮籍窮風折蘆花洲吐白雨
傷蓮瓣渚浮紅明朝歸到吳山下愁聽楓橋寺
裏鍾

心醉六經滋味濃人情世態任匆匆一生只自
從天賦萬事惟知向理窮教子讀書頭未白爲
人點易指常紅慙予也弄班門斧寸筵如何撞
巨鐘

老去悲秋意轉濃不堪客况更匆匆
杜甫

常淹病未信宣尼亦諱窮怕向菱花看鬢白喜
於竹葉借頰紅平生心事誰知得只有晨鍾與
暮鍾

何處難忘酒

何處難忘酒孤臣逐未招皇皇懷抱惡漸漸鬢
毛凋秦嶺離家遠長沙去路遙此時無一盞何
以慰蕭條

何處難忘酒他鄉送遠人共談心上事空老死
前身汝是還家日子遊旅食春此時無一盞未
免淚沾巾

何處難忘酒征夫賦式微空煩傳口信翹望寄
寒衣欲夢翻無夢懷歸未得歸此時無一盞寧
不憶深閨

何處難忘酒相思病未瘳昨宵羅帳月今夜紙
窓秋怨汝違金諾知誰醉玉樓此時無一盞何
計解離愁

何處難忘酒雙親相繼亡蓼莪空自恨恃怙向
誰旁風木群鳥亂春暉寸草長此時無一盞悲
痛裂肝腸

何處難忘酒新婚便別離輕恩思及第重事在

歸期款款，翻身後，孤燈吊影。此時無一盞，竟
夢遶天涯。

何處難忘酒，黃金散盡時。臂鷹揚去，退門犬吠。
應遲歌舞，翻成恨。恩情總是痴。此時無一盞，貧
病有誰知。

何處難忘酒，孤舟風雨來。江湖生意薄，名利此
心灰。失脚窮途險，傷情故國哀。此時無一盞，懷
抱向誰開。

石田詠錢詩見寄次韻

偏於熱處會，溫存畚笑寒。儒咬菜根，贖得五刑。

同性命，分成九品在。乾坤陶潛到老，心無慕王
衍。平生口不言，直與絕交方不俗。從人如市鬧，
其門

西樓次吳匏庵李西涯二閣老韻為傳
水利作

省識詩翁命，扁題為牧。山色故偏西，暮雲望斷。
人還倚爽氣，浮來客正躋。縱目便能空，宇宙致
身亦自有。階梯簷前桂子，秋風裏長養孫枝。又
欲齊

大江依禮，向東流。景界虛無冠此州，常日登臨。

雖稱晚四時從倚豈
秋人文並著增奇勝棟
宇重新竹筵脩

錦誥蟠龍高閣處祥雲時見護名樓

慈節

身狗良人恨始伸却憐孤子累孀身鏡奩一自
塵蒙後蓬首那知白髮新

社中分韻得人字

老去慵開眼深知負此春杏花風復雨客子病
還貧世事堪流涕年華轉愴神鶯聲空自好耐
可厭聽人

壬戌新正

百歲光陰半在前東塗西抹到中年清時日月
誠虛度多病形骸幸苟延天地豈能饒白髮兒
孫自喜愛青氈迂踈合在山林老且結桑榆暮
景緣

送青藜杖與陳復生

高年願祝等彭錢特贈青藜意頗專莫認作羹
春可糝何妨照讀夜輕燃理文極細柔而直節
眼雖多老更堅靈壽延年疑莫比化龍刺虎式
虛傳過頭席帽方相稱徐步芒鞋舊有緣視彼

病態全軟弱，老遇飲鄉人。不敢先鳩以飾端，除氣噎鶴常隨。
後類神仙入山采藥，離手臨水看雲且荷肩。
霜滑過橋功不淺，雨晴登崦力猶全。相隨清曉尋詩去，常伴黃昏踏月還。
倚看梅花成小立，醉偎芳草得同眠。涉園植下因芸草，到澗挑歸爲汲泉。
鑿從誇雙脚，健躋攀羸得。衆人憐芝山欲看，還携酒花塢間行。
亦掛錢扶掖，最爲安樂法。嬉遊莫負太平年，行行竹迳拖來緩。
得得苔堦策處圓，功賞直於雙屐並。清高只許一飄懸。

須留真色沐，教染但得新銘。亦可鑄若遇晴和好天氣，頻頻移玉過西川。

題吳瑞卿小竹軒次沈石田韻

祖德種來遠，論葉恐稱耳。玉立堂之背，慈顏不違咫。雅度自可觀，對坐每忘起。言論竟終日，愛此天凡子。千畝欠清絕，徒尔漫涯淡。

中秋憶王良臣

重見

桂玉近來聊自給，停雲端為友生憂。

皇都故舊雖青目，客路驅馳易白頭。何處共看今夜月，異鄉難比故園秋。猶嫌王粲忘懷土，役

後風塵未倚樓

九日送曾節推之任福建

秋程旌節去興長行入閩城錦繡鄉處處溪山
有畫意朝朝風日如春光荔枝新擘指流蜜菜
莉細穿頭帶香景物清佳固若此好施政事與
文章

贈狄山農大尹移歸舊廬

田無負郭類蘇秦仍向柴桑傍舊隣佳境世間
還幾處真閒林下更何人非嫌城市難投足為
愛漁樵可致身其道春光遠茅屋交兒相對自

生春

壬戌生日

生長山林有宿緣閒中興味肯輕傳已知窮相
如東野未必高踪若稚川事付酒盃聊遣日功
歸詩稿富編年草堂只任琴川上何但蓬瀛始
是仙

自是天生一鄙夫分巡風月在江湖傷人莫道
無官守也得年年受虎符

乾坤一草亭

連雲甲第為誰謀酒寄真成是置郵心有天遊

空六鑿身無世
系悟三休遊
垂不碍門前地
容膝渾忘物外
憂華屋丘山
竟何在曾知
宇宙此心浮

題花擬送計侯十首

杏花

東君遠自曲江來
眼見村村笑口開
要使春風遍天下
定須移傍日邊栽

牡丹

百里皆爲富貴鄉
競誇遭遇此年光
家家簫鼓春風裏
更向何方問洛陽

薔薇

開到薔薇花事了
和風晴日景熙熙
深沉庭院清如水
正是凝香燕寢時

葵花

百花無不自天成
惟有葵花向日傾
最是使君心更赤
常馳魏闕盡忠誠

紫薇

可愛花開百日紅
繁紅如簇絳綃叢
本來不是山城物
只合移歸畫省中

桂花

會折高標第一枝士林珍重動當時試看萬紫
千紅後蓋世香名更有誰

菊花

正氣鍾來徹骨清韓公老圃獨知名祇應移向
霜臺上壓倒羣芳見老成

芙蓉

琴水迢迢百里清家家樂業慶秋成昨聞田野
謳歌處盡說荒城似錦城

山茶

最是羣芳搖落時稜稜獨見歲寒姿任他蜂蝶

那能犯縱有冰霜不敢欺

梅花

山城僻處獨精神鐵石心腸自有春鼻久虛
應有待調羹還許讓何人

姚甥大元病起詩呈即韻復之

多類漢相如貧懷與病軀清姿一瘦鶴幽况若
鰥魚參朮仍頻服菊松從怪疎鏡中新白影喜
上少年梳

用前韻自述

清世慙無補乾坤老此軀人從爭變豹我豈不

知魚詩酒情猶昨功名夢久跡老非山水興終
月嬾持梳

和錢工部韻題號東樂沈子

何止囊空眼亦空
襟懷不與富翁同
渾忘貧病誰知
達遇有聖賢時
一中隨柳傍花
非學少收書
好客豈論窮
紛然南北奔馳者
曾見何人有
此風

四壁蕭然若罄空
超凡興味有誰同
直拋世事形骸外
滿付風光杖履中
萬慮平生渾不涉
一經到老尚然窮
從人已富憂仍在
且自粧痴與

弄風

石田題門前有垂柳見寄次韻

門前有垂柳
易發還易靡
濯濯春風中
三眠復三起
絮飛恣顛狂
飄蕩不成子
纔覺秋意生
葉已逐流水

乙丑歲北京南還與李狀元同載承和

吳匏庵詠郵號西川詩用韻奉酬

奎生曾見井之東
野老何緣識此翁
百世流芳金匱裏
一生列職玉堂中
量能容物疑如海
氣欲凌霄望若虹
雕琢狂言成大匠
須加郢削始

爲工

李郭同舟過海東飄然人望若仙翁迂疎合處
江湖遠經濟還歸廊廟中千里帆檣風送鷁滿
船書畫夜流虹也知常得聆清議詩句吟來便
覺工

行樂

卽時行樂是良謀所欲何須分外求兩屐烟霞
能事畢一瓢風月大功收人誰不在盧生夢我
獨全無杜甫愁昨日海觀新得友心情都付與
沙鷗

歲旦

漏聲隨雨滴人事逐時遷功業皆身外兒孫亦
眼前換符從俗禮抵菜媚家筵皓髮龐眉叟能
令衆目憐

松堂

蕭然精舍畫常扃滿地涼陰淨土明金粉香浮
潭月冷翠濤聲應海潮清西來本意空塵夢東
偃長枝示物情何日相叅結蓮社笑持談柄罄
三生

雷雨徹夜時晴觀園有作

破柱雷聲入夜頻
盤食盛天與吾家具八珍

吊梅二首

每到屋前吊此梅
不肯任莫是遊仙尚未回
人惜欠一追陪縱教好事重來賞風韻應非舊日杯

萬古乾坤鍾此梅
流遺恨地老天荒去不回
深木客對誰陪水邊林下非無興終欠清高稱

我盃

次韻贈桑淪齋別駕

歸來價不索重增
飛不到衡門應有白雲局

陰晴無定有感

忽雨忽晴無定期
小兒相雲有愁容
風相煞類和欺人情
似碁

生挽爲陶瑞夫作

浪笑神仙皆逆旅，死歸生寄自然因。若知泡影終成幻，便悟形骸不是真。舊物固當還造化，此心應患有吾身。眼前光景能多少，樽酒相過莫厭頻。

宿杭州西山

本為天地畸零客，來作湖山帶管人。心內若無真樂境，傍花隨柳也非春。

次韻賀朱彥明遷居南墅

縉紳珠玉滿雲藍，只此棲遲亦美談。門第新開遷曲徑，庭除小鑿湛方潭。曬書午吻牋應可曝。

背晴簷坐更堪，最是向陽春信早。梅花先見滿枝南。

客西湖為劉三山題扇

湖山儘遂舊遊願，茶笋又關新薦情。柳岸吳船終日泊，東風吹盡未能行。

湖上扁舟一葉輕，六橋風月儘怡情。長竿與世渾無涉，只釣鱸魚不釣名。

吊丁野鶴和孫太初韻

端然道貌重生感，不啻人間是與非。故擇名山來坐化，因知逆旅更思歸。月明舊鶴遊菟返，雷

動潛龍脫骨飛洞一
堯花紅萬樹年年春色映
仙衣

用前韻贈尹繡衣在烟霞洞打坐二首
脫去動搖山岳威因知今是昨皆非世間道有
何人得林下官惟此老歸只管龍吟并虎嘯何
愁兔走與鳥飛衲頭包括乾坤大不是當年尹
繡衣

兩獸從教大作威逆來應是順應非尋常降得
青龍慣頃刻牽將白虎歸自覺灌心甘露降常
看朝頂白雲飛已知我命全由我包裹乾坤一

衲衣

題拂水巖長雨亭

儼若楚天吾漫猜山僧誇是雨花臺不傷怪爛
地常潤無間舊今人自來三日尚令蘇守喜片
雲應會杜陵催亂隨談屑霏霏下時見珠璣濺
酒盃

為周春谷詠黃棟二絕

其一詠食
其二詠采

抱德山林久見遺因無世味少人知齒牙不惜
留餘論特薦應嫌采訪遲
逆耳忠言過後知成人遺愛去時思自從一識

周公瑾談屑非霏口業奇

丙子春蘭花盛開趙石林周以言同來
賞之終日詩以答其雅况

隱谷無聞只自如忽驚芳友賁吾廬肯來握手
知相就久坐忘形願與居清德感人當永佩香
名盖世豈虛譽幽窓擬結爲心契坐過春風一
月餘

舟中賞菊和鄧梓堂韻

秋程無可伴詩狂數本移來共一航漢水芙蓉
空自媚楚江芰芷爲誰芳孤蓬今日酬雙眼舉

世何人有此觴欲援霜毫貌清絕黃花白髮照
滄浪

雪湖

白遍汀洲一色凝赤沙青草浪傳名玉壺千頃
未爲淨霜鏡一區無此清巴蜀水來春已過剡
溪棹返夜空行盡誇漱灑晴光好誰識孤舟篔
笠情

石林為趙敬夫作

嶢嶢離立復叢生萬木連陰韻益清是玉種成
多秀拔疑松化出畫峰嶸貞心不識榮枯事堅

質終無凋謝情磊落不墜真王樹照人文采自
天成

題大石山房次鄧梓堂登拂水巖韻

勲業付少年吾老已不望眼猶空四海無物可
能障默坐萬書中日與聖賢傍劉伶既忘死荷
插仍欲葬尚自顧形骸豈謂曠而放吾亭傍大
石壁立萬仞嶂足以慰清癖隱跡聊倚仗詩成
發浩歌時來坐石上石罅泉脉清煮茶實所仰
懷抱少悒鬱到此即舒暢縱目兩湖間波光相
渺漭山形本太古因雲以變狀正猶塵海人率

難避風浪榮華瞬息間隙中覩日旺豈若學長
生仙術肯吾誑修以精氣神此理甚切當若外
吾身修以雪擁川漲此心無一物軋坤兩空曠
元氣日週流陰和而陽倡絕粒與辟穀服食有
真餉役役迷途中誰識此趣向乃是真實法名
曰祕密藏一塵不能昧眼界自清涼我命已在
我能與造物抗逍遙無恙碍花柳且隨傍行尸
與走鬼相逢可悲悵名利易沉酣如同飲醇釀
若被外物誘是養食心恙何如學道人萬慮盡
滌盪

題雲半亭

來雲石上小亭空雲本無心我亦窮雲我正應
相半住若為明月與清風

周以言有詩贈予和以答之

溫然相對若春風畏子青年愧我翁朝市俗緣
形迹外乾坤清氣肺肝中文章錦艷千機富議
論風生四座空老去才華只如此芳蘭本自勝
霜蓬

用韻挽以言父春谷

凄然忽起白楊風共悼長髯未及翁殘藥漫留

春谷裏新茶初試雨窓中鑿流痛惜丹溪絕隱
德驚看蕙帳空塚草莫知何日宿一函詩骨尚
飄蓬

送陳舉人赴南都與內父李侍郎餞行

館閣文章宰相才要興禮樂到容臺共誇驥北
空群父爭看圖南健翼回夜半每虛前席待風
前頻聽履聲來多情衛玠知行色遠過秦淮致
別盃

挽何孝子邦直為其父侍御舜賓雪仇
得白而死

傳世高名有史修西典怨氣向來收可憐玉碎
湘湖遠共悼珠遺天地羞三載獨賫嘗膽恨九
泉難忘戴天讎每將孝行逢人訟說着何人不
淚流

讀王元予遺子稿

與君訣別幾春秋撫卷令人愧白頭自付莫如
心光眼不能成誦淚交流間生人品江山秀盡
泄天機造化愁如此高才寧不死却憐樗櫟老
林丘

姚玉崖東歸有陪陸翰林赴京之興

草心驚客返柳眼看人忙蘊玉崖常潤韜光劍
九藏登龍乘浪煖附驥喜途長此去吾何惜清
高近玉堂

重陽宴于王竹泉山樓和周春谷壁間
詩韻借以志喜

江上千戈歸正統山中節序值重陽特移紅袖
來尋醉何待白衣方舉觴迤邐遡泉循北澗盤
桓月月照前崗願將踪跡雲林老不踏人間名
利場

再和梓堂登拂水巖韻

山名本商賢遂得感商望拉友遊山中致身在
屏障過眼事皆夢此夢莫能忘平生多勝遊勝
絕無比仿遯跡宜此居返真當此葬功名笑自
縛踈嬾得天放碧樹排遠岩白雲擁層嶂履險
嗔人扶誇健不湏杖登登興不窮昏黑還到上
直湏用已力難以他人仰坐石少盤桓懷抱益
舒暢縱目接遠景湖光肆渺漭不禁詩興發掀
髯作吟狀形骸作塵表談笑任謔浪絕壁過雲
處錦綉耀晴旺此奇若語人似以吾爲誑酒盡
無可沽山僧以茶當萬壑響松風翠濤拍天漲
佇立試傾耳神情自清曠狂可遂老癡詩難繼
絕倡跬步變奇怪饒人見佳餉吾喜婚嫁畢當
效高士向好景恣遊觀造物無盡藏常雨若楚
天澗草色光涼臨崖一振衣氣與浮雲抗林泉
此真趣花柳耻隨傷世途役役者知此徒自悵
何妨日日來能費幾壺釀煙霞成錮疾膏盲豈
微恙逸思欲泠風塵緣盡洗盪

謝蔣訥齋傳神

昔數顧痴妙今推蔣訥名爲傳蒲柳質乃得丘
壑情道服自尔稱軒裳無此清本來真面目認

得始分明

有懷周以言設帳洞庭頃間忽使至以
詩見寄和以答之

鴈信秋驚晚鷗盟日恐寒何時重對榻此夜獨
凭闌酒且開懷飲詩須刮目看歸期詢來使應
說到冬殘

詩思獨宜秋山中景倍悠為師知道貴作客悟
身浮楓錦紅於染松濤翠欲流相思涼月夜兩
地照人愁

送胡二守東村赴京

宦情如水道情濃老眼乾坤見此公清畏人知
真吏隱句工天巧坐詩窮豹文自喜難藏霧隲
翻高搏父御風任是東村開綠野謝公安得住
山中

崔探花來鳳詩慶七十次韻奉答

忽見文光照弊廬頓令老驥忘鹽車詩章不惜
推稱重感愧隨生捧誦餘逸性本來如野鹿樂
心今復似濠魚不應恃有年家誼潦倒因能數
寄書

張芳洲二妾髻髮

一經一布也
香一石如星

正氣平鍾兩女郎一般烈性合綱常心如春笋
原生節名比幽蘭到死香舊日髮雲誰適好今
生膏沐大家忘可羞買髭春城婦假髻我我競
曉粧

錢水部東湖立詩塚於拂水巖下詩成

次韻

與公硯席交公齒長六年處心極光明作事無
夤緣著名于部署歸老于林泉逸與殊飄飄望
之若神仙詩多寓風記實祖三百篇字字合音
律可以調入絃古人有文塚未許專稱賢今稿

埋巖下虹光時燭天一從瘞詩後遂成名山川
公非欲深秘詩學傷無傳正如學仙者妙意須
超然一字尚為師况有玄中玄請讀空頭歌坏
土以為埏必須假水火煅煉方能堅頑鐵可點
金淤泥能生蓮若人悟此理詩法乃得焉

和吳匏庵續潘邠老詩題石田畫卷時
石田已去世矣

滿城風雨近重陽憶昔談玄共道堂宿草多年
仍可哭清茶此日薦誰嘗祗須展卷看遺墨無
復張燈寫硬黃妙奪天機名蓋世惜無心法遺

兒郎

滿城風雨近重陽阻我登高陟紀堂覓句持盃
仍不減論名談利竟何嘗免交落帽羞頭白儘
可巡籬試菊黃慚愧悠悠空老大絳紗蒙首笑
孫郎

挽顧聽泉親家

正好林丘取樂時溘然俄與世長辭風流雅致
難為繼月旦高評竟屬誰園樹扶疎辜勝賞澗
泉鳴咽動清悲賢郎又右葭葦好故舊情深自
不遺

秋日同虞東吳大卿東郭周正郎封官
王蓉江宴於川上亭時東湖錢正郎作
詩未兒扇頭和韻一首

鄙外西山畫障開登臨何必待人催閒無別事
須碁局老有何愁仗酒盃時勢似雲看易過年
華如水去難回塵緣世界累消磨盡猶剩清狂是
本來

丁正郎南湖以自述詩見遺用韻復之
此老真同靖長官時人應作地仙看身居浮世
如乘傳事定平生待蓋棺適興酒盃隨意酌傍

湖亭子對山安因驚窄海風波惡不為思鱸買
釣灘

南湖復和來予亦再答

是是非非付稗官死生直作等閒看何人能以
鐵爲限從古誰將金鑄棺詩酒平生真重務晨
昏隨分且粗安自知性僻無相得只許沙鷗共
釣灘

壽錢東湖八十

無筭遐齡始八旬飄飄道貌自精神超凡風采
人中瑞名世文章席上珍壽域有堂開綠野仙

家無地着紅塵垂髫研席頭俱白極感交情老
更親

和錢水部東湖丁大參梅谷吳大卿虞
東陳邦伯東麓陪劉邑侯三山夜宴雲
堂

冠蓋聯翩過道堂夕陽深竹共行觴香浮東閣
梅臨檻光滿西清月照廂喜共雅談霏玉屑幸
沾明德襲馨香醉翁詞翰尤兼美壓倒三蘇與
二王

夏桂洲先生以詩贈壽次韻答呈

本來抱負有經綸正際明時事

聖君善諫自能如陸贄犯顏何必似朱雲軋坤
俯仰心無愧海岱聲名氣不群日見舟兒常雀
躍每傳令譽報新聞

王竹泉以詩遣子慶壽次韻奉復

自愛桑榆好夕易遙思華髮亦蒼蒼又嗟音問
無餘鴈忽曙文章小鳳凰竹密難尋醫俗藥泉
深渴想洗心方山庄欲造緣無杖何日論文對
舉觴

和錢東湖韻為朱克順題號守荆

荆因田氏曾憔悴荆在君家愈有光手足至親
情自好友恭相愛樂偏長擇隣願處因仁愛受
教會聞有義方終日怡怡自相好休誇蔓草在
西堂

和俞判簿登頂山

入夜登臨興復濃滿天月色正朦朧腥風初起
龍歸洞清露初零鶴唳松樂事賞心今並得塵
緣世累竟全空怪哉獨立懸崖上兩腋冷然欲
御風

朱兒擬季扎掛劍詩呈改喜而用韻

湛盧如雪輔孤征邂逅徐君意氣生默擬歸途
鼎烈士何期此日掛荒瑩目成已悟生前愛心
許仍全死後情既彼指天相軟血此時誰復記
前盟

雪蕉次鄧梓堂韻

窓紗分綠皆知愛到此蕭疎誰解看最厭與人
藏斃鹿不啗供我草驚鸞風難搖彩閒階靜雨
不作聲孤枕安枕李漫山春色裏繁華不稱達
人觀

俞判簿乃翁放雲見訪席間定韻

子擅才能有是翁出塵高致類龐公霜髭定是
因詩白丹臉全非賴酒紅會晤共憐當暮景笑
談如與坐春風耆鄉英社還容否杖履相從過
浙東

放雲有詩過美亦以詩美之

韋布蕭然傲世翁眼空八座與三公盃常入夜
傾新白鞋不乘春踏軟紅此會何須論舊雨平
生已幸挹清風虚心欲覈玄玄覈只恐先生易
向東

王味芝有詩見遺用韻奉復

乾坤無伍此時人，捫虱高談不厭貧。傲視塵寰
雙老眼，消磨歲月一閒身。肺肝清氣詩應秀，富
貴浮雲語益真。深掩衡茅惟玩易，百花開盡不
知春。

閒居和韻十首

山居僻近隈迂徑，對橋開高枕。從蟬噪窮簷，有
燕來奇才。誇健履名器許深，盃偶盼庭柯上陰。
陰積有苔。

登臨從所好，貧病與誰論。清物惟琴長，閒花有
菊存。漁樵聊作伴，桑柘自成村。待漏霜裘冷，曾

知短褐溫

何以恣盤桓，乾坤待我寬。閱人雙眼冷，感事此
心寒。白酒亦堪醉，黃花真耐看。未交惟杖履，登
眺不辭難。

茅屋西川上，迂流遶宅沿。機藏碁局裏，情寄酒
盃邊。秘訣傳金液，真詮證玉篇。清風來竹下，時
有故人憐。

小閣垂青幔，虛無絕點埃。倦懷便雨下，病體愜
秋來。合鼓乘蘿熟，藏醅待菊開。西窓山色近，卧
看亦奇哉。

薪米供聊尔功名付且然難消愁海日可老醉
鄉天養藥深埋火煎茶遠汲泉入秋情繫菊忙
事短籬邊

世事吾何問人間或會言

聖王應側席病客敢安居廊廟常開牖股肱忘
引裾比天風雨過萬里自清虛

曉羽爭飛健天昏倦憶林誰人非夢境何事不
春音卧病知秋早談詩坐夜深澄懷無俗累登
眺獨關心

盡日惟高臥中年遂此謀畏途雙脚倦塵海一

身浮老菜心猶嫩新醪力尚柔莫驚頻眺望山
色正宜秋

借楊進士韻贈夏易軒壽

以易名軒一事無軒中風景勝蓬壺身躋壽域
膺遐筭德種心田遂遠面賓客雅談霏玉屑兒
孫文彩映珊瑚忝同誕日難同節高竹如君我
若蒲

皇甫子循登牛首山有作次韻

登臨回憶廿年餘老眼曾於此境舒隔水踈松
如奏樂倚岩高閣若憑虛千峯香火留禪寺四

顧山河壯

帝居近有僧來誇寵幸

九天親見下鑾輿

揚夢羽詠苦熱詩見遺用韻

安得雲英乞瓊漿安得俄頃逢秋光思之不得
徒徬徨難禁暑酷如張湯買冰雖罄金錯囊豈
若出世從韓湘縱令坡老坐雪堂此身欲避何
能藏有域廣大真荒唐須從此地醉百場仁風
若有當奉揚不須扇枕勞黃香竹林颯颯來清
商炎塵不涉輸山王若能身世俱兩忘絕勝水
佩而風裳可鄙井蛙之跳梁

田黃門用周有詩見寄次韻答之

自知無學更無才過美何堪可愧哉雖荷詩篇
能見寄還憐心法未知裁平生好景成虛度到
老清狂是本來敢論盛名儕李杜清詞不數賀
方回

和田黃門賞燈韻

難忘習氣競觀燈老伴相期昨已曾不用出遊
思秉燭直須痛飲未論升一年燈月春光好萬
里乾坤夜色增了却良宵真樂事青山又待我
來登

秋逸為大姪張士完題

遺世知因拙安閒老此生竹溪消雅興菊圃放
高情形比山容瘦氣如湖水清西疇稻將熟樂
事在收成

王石門雨窓有作見遺用韻

乾坤容老子泉石着閒身瘦乃悲秋劇愁因苦
雨新拙鳩猶逐婦飢雀欲依人漫以書為伴聊
憑研結鄰寂寥乘酒遣汨沒仗詩伸何以天開
霽來尋鄭子真

倚雲樓

傑閣翬飛聳半空舉頭人訝是天宮觚稜突兀
虛無表畫檻依憑縹緲中行雨去時霑几席隨
風歸後護簾籠休言只自供怡悅登眺還憐爽
氣通

送鄧梓堂赴濮州修郡誌

衰年共別離况復值秋時刺史徵書急廣文行
旆遲循良當代重忠孝後人規風紀多收錄賢
才勿漏遺一時成盛舉千載著遐思往返行囊
富程程紀有詩

訪孫太守不遇後以詩見遺用韻復之

彼此根宗是一家豈應到面若天涯門前自有
桃源路何必沿溪問落花

哭錢東湖

結髮同牕日忘形兩鬢絲交情盡此哭重會復
何時到死名難泯平生行獨危乾坤屈指數貧
病荷能知

次韻田黃門題征婦怨

誰適為容有笑顏夢魂常遶玉門關寒燈獨對
清宵月遠信難通紫塞山幾見春花空爛熳頻
驚秋葉恣爛斑檀郎要覓封侯印曾念孤幃望

早還

田黃門有留別詩次韻答之

天雖未許遂清閒心已透開名利關徒與神交
知德望莫聆雄論破痴頑自甘漫處江湖遠誰
筭還來歲月慳此後相思渺無際夢魂常遶武
夷山

和楊五川試新茶於川上亭

舊雨重來訪我頻汲泉同試建溪春平生口腹
便清苦不似沉酣世味人

借鄧梓堂韻送雲間沈東吳

知君海岸復投簪風雨凄凄遠見尋竹下聯詩
忘韻險燈前對奕畏機深老人送客情難別落
木逢秋氣不森蘭桂滿前皆偉器從人漫說積
籬金

和梓堂九日往吊東湖翁登小虞山作
黃菊無言只自開山中猿鶴亦生哀湖翁已遂
求仙去野老猶思載酒來時序背人隨逝水乾
坤勞我獨登臺茱萸欲插傷無伴淚灑西風莫
一盃

秋閨和蔡林屋韻三首

愁通塞北路猶長寄去衣時尚未霜得禦風寒
身不冷奴心方始到遼陽

泣與隣姬訴不平寒衣同搗月同明嫁郎意與
寄郎意似覺砧分兩樣聲

盡道遼陽寇已平深閨聞說未分明郎歸雖近
衣仍寄不寄須聽奏凱聲

次韻回文詩二首

樹高延落日江空列遠峯去鳥歸林晚初晴雪
滿蓬

客來坐空亭塵無淨如廓碧天連遠水釣罷漢

舟泊

泛溪有感

清溪泛小舸呼酒慰無聊遠水明紅蓼輕雲翳
碧霄青松儕綠蕙芳桂襟申椒人不安天分鷓
鷯慕大鷗

沈漁村有留別詩用韻

忽逢丰度應疑夢往事重提各悵然獨處西川
多是病但談東老盡稱賢家寒空下陳蕃榻地
俗難留米芾船琴水吳江通一脉魚書從此望
頻傳

山中晚興

宦海浮名有陸沉但逢佳勝且登臨山僧留客
煮茶慣野鳥避人投樹深老念久忘三尺劍雅
情都付一絃琴愛看日薄西山景一任寒風故
故侵

邑尹徐侯福山寺登樓有詩見遺次韻

公餘眺望上危樓近海禪林景更幽魏闕有懷
還北望滄洲吾道俯東流幾村紅樹疑斜日四
野黃雲慶有秋歸到虞山餘興在登高重得縱
雙眸

八旬自述

生長乾坤八十年舊遊如夢總茫然九重雨露
來天上四代兒孫在膝前揣分自知天錫福過
情人羨地行仙非閔逆旅忘歸日要了人間未
了緣

雪蓬

碧江風月未全清浪笑西湖激灩晴巴蜀水來
天上坐山陰夜靜畫中行載歸野鶴人同瘦泊
近溪梅眼倍明萬里寒江容獨釣高掀應得快
詩情

田黃門自建安託張果齋寄詩四首依
韻答之

神交田刺史教扎謝頻傳才似黃山谷名儕白
樂天難醫山水癖遠絕利名牽定擬親相見同
談秋水篇

神交田刺史天挺此人豪棄職魚歸海投閒鶴
占臯徒勞馳夢想未遂挹風騷定擬親相見方
能慰仰高

神交田刺史閱勝眼偏清地肺知曾到天台想
未經望書瞻過馬惜別記飛螢定擬親相見應

憐兩鬢星

神交田刺史往復和篇多易脫官囚厄難調世
味和翻身歸故國回首看頽波定擬親相見同
尋蜀李何

和皇甫子浚韻送周以言

有客今朝別無家河處還隴梅頻望寄衰柳不
勝攀江漢淹高節乾坤亦厚顏故人如問及雙
鬢已成斑

半溪

未能全占碧漣漪小閣臨流儘自竒隔岸山光

應列畫過橋野色亦供詩平分鷗渚盟仍在割
據漁磯釣獨持最是清風明月夜一般意味有
誰知

山人持靈芝二本為壽轉贈東湖承作

芝頌次韻答之

我生端午久矣離群有符懸虎有脯擘麟不知
爵祿以為富貴惟愛松菊之同氣味社絕世累
以學長生長生有藥神與氣精譬之屋柱豎必
榕栢築基煉已與此不殊草瑞有芝木瑞有苓
人瑞為仙豈曰偷生死而化鶴嗤彼令威鍊身

不壞觀萬劫灰三度偷桃行實劣惡其人者誰
名曰方朔若我茹芝朝而暮而何須辟穀自爾
不飢盤古而下降自及秦神仙代出身外有身
東湖西川亦若伊洛彼此往還相與盤礴人獻
二芝天地靈草轉持贈君永期不老方升之日
方至之川日行愈上川流愈前吾擬樂天君儕
拱辰香山之會亦皆縉紳出入舟車日相往來
詩酒談笑何其樂哉以芝比君君德如玉彩雲
層層香風馥馥著名仙錄除名版籍服耳金丹
非凡藥石道豈易得萬劫一傳超凡入聖是爲

神仙神仙旣成莫問年紀本之老聃傳之尹喜
龍沙之讖適當其年旌陽有紀豈得妄焉五陵
之人必多其壽再知學仙厚而益厚芝非李桃
頌勝瓊玖芝以博頌古恐無有吾接以芝君報
以頌頌之與芝各有所重敲竹喚龜再吞玉芝
命乃在我壽何可期

和陳邦伯調滿庭芳

休論失馬莫問忘羊筭來事事無常看彼功名
富貴爭奪任人強只有登山翫水這般事是我
真忙更向那煙花隊裏作戲且逢場剩孤身四

海道遙歲月隨處家鄉那金章紫綬多少時光
自喜身心無累把生涯都付壺觴便
丹書來詔不去又何妨

雪香 調紅繡鞋

秦弄玉休誇清瑩許飛瓊謾說輕盈是箇啖百
和薛瑤英笑桃李無餘韻比蘭麝更清馨這風
情則除是韓壽省

朝缺牙 調紅繡鞋

愁難咬胡桃偏硬怕流酸梅子猶生荔枝來正
害左車疼難滅我忠良意不廢我笑歌聲苦則

苦何郎難啖餅

雅志不欲出仕緣

例授職高隱作踏莎行贈之

忽下

皇恩剛肅素志這迴始覺而今是兌教黃菊傷
人開還嫌陶令曾爲仕

聖代閒官仙都傲吏從今不負盟鷗意致
君堯舜有群公溪山風月真吾事

臨終留別親友

玉音虛獎下三台慚愧平生一腐才風月少年

天做夢煙霞老境地安排故鄉仍返無何有歸
路休思去復回觀化一番元氣外本靈真性脫
凡胎



林泉高士孫西川詩稿終



